



The Holy See

IOANNES PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA **NYAHURURENSIS*** IN KENIA NOVA CONDITUR
DIOECESIS NYAHURURENSIS Nuper est petatum ut in Kenia nova dioecesis constitueretur ad efficacius consulendum
aeternae spirituali saluti atque regimini Christifidelium in metropolitana Ecclesia Nyeriensi degentium. Quapropter
Congregatio pro Gentium Evangelizatione, omnibus mature perpensis habitoque simul faventi voto Venerabilis Fratris
Ioannis Tonucci, Archiepiscopi titulo Torcellani et in eadem Natione Nuntii Apostolici, ad motae postulationi concedendum
esse censuit. Nos igitur, qui gravissimo fungimur munere supremi Pastoris totius gregis Dominici, talem sententiam ratam
habentes, Nostra Apostolica potestate haec decernimus. A Nyeriensi archidioecesi separamus territorium districtus civilis
patrio sermone nuncupati *Nyandarua* et partem occidentalis districtus civilis *Laikipia*; ex iisque locis novam condimus
dioecesim *Nyahururensis*, quam memoratae metropolitanae Ecclesiae Nyeriensi suffraganeam facimus atque
iurisdictioni Congregationis pro Gentium Evangelizatione subicimus. Praeterea iubemus Episcopi sedem poni in urbe «
Nyahururu» atque templum Immaculatae Conceptionis Beatae Mariae Virginis ibidem exstans ad dignitatem Cathedralis
ecclesiae evehimus; cetera vero secundum canonicas leges temperentur. Quae praescripsimus perducet ad exitum
praedictus Apostolicus Nuntius; qui, re acta, curabit documenta conficienda sincerisque exemplis Congregationi pro
Gentium Evangelizatione mittenda. Hanc denique Apostolicam Constitutionem iugiter ratam esse volumus, contrariis
quibuslibet rebus non obstantibus. *Datum Romae, apud Sanctum Petrum, die quinto mensis Decembris, anno Domini bis
millesimo secundo, Pontificatus Nostri vicesimo quinto.*

ANGELUS card. SODANO

Secretarius Status

Marcellus Rossetti, *Protonot. Apost.*

Leonardus Erriquenz, *Protonot.*

Apost.

CRESCENTIUS card. SEPE

Congr. pro Gentium Evang. Praef.

*A.A.S., vol. XCV (2003), n. 4, pp. 230-231 © Copyright 2002 - Libreria Editrice Vaticana